

Forsætisráðherra
Kristrún Frostadóttir

Fjármála- og efnahagsráðherra
Daði Már Kristófersson

Reykjavík, 24. janúar 2025
Málsnúmer FOR25010120

Efni: Hagræðing í rekstri ríkisins, einföldun stjórnsýslu og sameining stofnana

Vísað er til bréfs stjórnvalda til forstöðumanna ríkisstofnana dags. 15. janúar 2025 þar sem leitað er samstarfs um hagræðingu í rekstri ríkisins og forstöðumenn beðnir um að senda stjórnvöldum tillögur um hagræðingu, einföldun stjórnsýslu og sameiningar stofnana eigi síðar en 27. janúar næstkomandi.

Stjórn FFR fagnar því að ríkisstjórnin leiti samstarfs við alla forstöðumenn hjá ríkinu og hefur hvatt félagsmenn FFR til þess að senda inn tillögur. Gott samstarf og samráð við þá sem best þekkja til verður að teljast forsenda þess að vel takist til við hvers konar breytingar í starfsemi og rekstri ríkisstofnana.

Stjórn FFR væntir áframhaldandi samstarfs við stjórnvöld við útfærslu á framkomnum tillögum og treystir því að haft verði virkt samráð við forstöðumenn á öllum stigum þeirra breytinga sem fram undan kunna að vera.

F.h. stjórnar FFR

Helga Þórisdóttir, formaður